

sona a uno Zuan Dragan per uno anno: ave 27 di no, 103 di si. *Iterum*: 2 non sincere, 33 di no, 114 di si; fo preso. Et è da saper, una sua causa si trata ozi in Quarantia civil, et il terzo Consejo, chi dia esser anzian, o una dota o il credito di sier Alvise di Prioli qu. sier Francesco da San Thomà per farine di Foutego, et si mena la sententia fata in favor di la donna. Et è da saper: fu cosa nofanda, parlò prima sier Alvise di Prioli per il taio, e la dona medema in renga rispose; siehè una dona ozi à rengato; et poi disnar, tornata la Quarantia, fo *iterum* disputà la causa et fo laudata di largo.

Fu posto molte parte per li diti 5 Provedadori sora la mercadantia, *videlicet* sier Andrea Baxadona, sier Alvise Malipiero, sier Andrea Foscarini, sier Vettor Pixani et sier Alvixe di Prioli. Et primo, atento è stà fato più volte consolo in Alexandria i quali hanno refudato, perchè con effeto per il poco salario, pagando le tanxe, non poleno andar, però sia preso ch'el consolo che sarà electo aver debi senza alcuna tansa o contribution i sarafi 400 neti a l'anno, *ut in parte*, la qual si habbi a meter a Gran Consejo. Ave una non sinciera, 5 di no, 138 de si; et fu presa.

283 Fu posto, per li diti Provedadori, atento che fusse preso che il cotimo di Alexandria si havesse a serar a 15 per 100, zoè cinque perso, 10 de deposito, e in loco di 2 per 100 di le 4 che si pagavano de qui se pagaseno 3 per 100 di saraffi, et perchè non si trova chi voy mandar al viazo, sia la dita provision reformada, *videlicet* ch'el cotimo di la presente muda di Alexandria si habi a serar a 10 per 100, *solum* 4 perse et 6 de deposito, da esser applicato il trato *ultra* le spexe ordinarie a satisfaction de li creditori de esso cotimo per rata; le 3 per 100, se averiano a pagar de li de li sarafi, siano *iterum* ritornate di qui in do per 100 da esser in beneficio di cotimo per rata; le qual 4 per 100 se habino a pagar per le stime sarano facte in questa città, et hesseno per spirar el ducato per sacco che pagano per imprestado i gotoni e filadi si trazeno di Cypro per questa città, sia prolungato *etiam* per altri anni do da poi spirato il tempo, come fu preso dil 1513 a di 25 Avosto, et sia dà autorità ai Provedadori di cotimo che con le do per 100 et con el trato del ducato per sacco dil goton e filadi posano tuor tante merze e manlarle al viazo a beneficio di quel cotimo. Ave 11 di no, 128 de si; presa.

Fu posto, per li diti: *cum sit* che fosse preso a di 3 Mazo 1514 che tuto el piper trato di Baruto e Alexandria, che vien dal Cayro e da Damasco con-

duto in questa città, con ogni sorte di navillii posino venir senza angarie, per tanto sia preso che tutto el piper *de cetero* serà conduto in questa città, debba aver tolto la fede dai consoli nostri di esser stàtrato quello dei lochi sopraditti; et non la portando, ditto piper se intenli esser contrabando. La qual parte habi vigor e principii da mo' a mexi tre proximi, aziò s'il piper fusse stà cargo, non sia perso. Ave 2 di no, 132 de si, et fo presa.

Fu posto, per li Consieri 4 di loro, salvoconduto a sier Alexandro Marzelo qu. sier Francesco per uno anno in la persona *tantum*: 34 di no, 118 de si; fo presa.

Fu posto, per li diti Provedadori sora la mercadantia e navegar, sier Andrea Foscarini, sier Vettor Pixani, sier Alvixe Malipiero, sier Andrea Baxadona e sier Alvise di Prioli. *Cum sit* che a di 29 Zugno pasato fusse preso in questo Consejo che li ferri non trati conduti in Candia o Cypro e altri lochi da mar pagi, oltra ogni dreto, ducati 4 per mier de qui, per tanto mo' sia preso che tutti i ferri si trazerano dentro el Golfo e anderano senza esser conduti e daciati in questa terra e fata la sua boleta per li lochi, *ut supra*, siano spazati per contrabando, *ut in parte*: una non sincera, 9 di no, 120 de si, e fo presa.

Fu posto, per li diti, che, atento *alias* fusse preso che tutte nave pagasse a l'Arsenal, al partir suo, certa summa di danari per barche e gomene per le dite quando sono sorte sora porto, da mo' sia preso, che li ditti danari che il cassier a l'Arsenal scuodi, siano tenuti intacti, nè si spendi in altro sotto pena di furanti che in le dite cosse, *ut supra*, dichiarando che quelli adopererano le gomene siano tenuti a pagar a l'Arsenal il mendo, *ut in parte*; 6 de no, 140 de si.

Fu posto, per li diti, 3 galie al viazo di Fiandra con certa limitation di precii *ut in parte*, et seansation di spexe e don, da poi tornate, di ducati 500 per galia di Provedadori sora i officii di acresimenti; si elezi il capitano per Gran Consejo; vadino in Candia, et cargino vini per Fiandra, et sia scritto al serenissimo re d'Ingaltera provedi si habi salvoconduto dal re di Spagna, *ut in parte*. Et in questa opinion intrò sier Andrea Trivixan savio ai ordeni solo. Contradise, primo sier Agustin da Pexaro savio ai ordeni et ringratiò el Consejo, el qual con sier Carlo Capelo suo colega messe indusiar; li altri do Savii ai ordeni non erano. Li rispose sier Andrea Trivixan. Poi parlò sier Francesco Pasqualigo, è di Pregadi per danari, qu. sier